

ԳՐԻԳՈՐ ԱՎԵՏԻ ԶԱՆՇՅԱՆ (ԶԱՆՇԻԵՎ)

Հ.Ա.ՀԱՄԲԱՐՅԱՆ

Հայ ժողովրդի շատ անվանի զավակների գործունեությունն ուսումնասիրված ու ըստ արժանվույն գնահատված է, բայց կան նաև այնպիսիք, որոնց գործունեությունը տակավին քիչ է ուսումնասիրված ու արժևորված: Դրանցից մեկը Գրիգոր Ավետի Զանյանն է (Զանչիև): Նա ծնվել է Թիֆլիսում՝ 1851թ. մայիսի 17 (29)-ին: Սկզբում սովորել է տեղի ռեֆորմատական ծխական, ապա Հայկական ծխական դպրոցներում, այնուհետև՝ Թիֆլիսի նահանգային գիմնազիայի նախապատրաստական դասարանում: 1864թ. մեկնել է Մոսկվա և ընդունվել Լազարյան ճեմարան, որն ավարտել է արծաթե մեդալով, գրանցվելով ոսկե հուշատախտակում: Այնուհետև ընդունվել է Մոսկվայի համալսարանի իրավաբանական ֆակուլտետը, որն ավարտել է 1874թ.:

Գր. Զանյանը սկզբում զբաղվել է փաստաբանությամբ, բայց շուտով թողել է և նվիրվել գրականության, իրավունքի, դատավարության, փաստաբանության հարցերին: Շուտով «Սուգբերնի վեստնիկ» ամսագրում հրատարակվում են նրա առաջին իրավաբանական հոդվածները: 1870-ական թվականների վերջերից Գր. Զանյանի հոդվածները լույս են տեսնում «Судебный вестник», «Журнал гражданского и уголовного права», «Русская мысль», «Вестник Европы» պարբերականներում և «Русские вѣдомости» թերթում: Վերջինում նա գրում է առաջնորդողներ և վարում դատական բաժինը, ապա դառնում թերթի հրատարակիչ-խմբագիրներից մեկը:

Գր. Զանյանը դրական էր գնահատում, որ Ռուսաստանում դատավարության հիմքում դրվում են այն իրավական սկզբունքները, որոնք սահմանվել էին 1864թ. ռեֆորմով: Իսկ դրանք, ինչպես Հայտնի է, 1860-ական թվականների բարեփոխումների մեջ ամենադեմոկրատականներից էին:

Գր. Զանյանի գործունեությունը թեև ծավալվեց Ալեքսանդր III-ի և Նիկոլայ II-ի հետադիմական կառավարման տարիներին, բայց նա հաստատմանց իր ընտրած լիբերալ-լուսավորական գաղափարներին՝ համայրելով ռուսական 60-ականների առաջադեմ շարքերը և շարունակելով նրանց լավագույն ավանդույթները: Բավական է նշել, որ նրա գործունեության մեծ մասը ծավալվեց «Русские вѣдомости» թերթի խմբագրությունում, ուր տարբեր ժամանակներում աշխատել են այնպիսի դեմքեր, ինչպիսիք են Ն. Զերնիչևսկին, Պ. Լավրովը, Մ. Սալտիկով-Շչեդրինը, Լ. Տոլստոյը, Գ. Ուպենսկին, Ն. Միխայլովսկին և ուրիշներ «Русские вѣдомости» լրագիրը մշտական ու անգիջում պայքարի մեջ էր ցարիզմի հետադիմական քաղաքականությունը պաշտպանող «Московские вѣдомости» թերթի դեմ:

Գր. Զանյանը զբաղվում էր ոչ միայն իրավաբանության, այլև պատմության, գրականության, արվեստի, տնտեսագիտության և այլ հարցերով: 1880 - 1890-ական թվականներին նա լույս ընծայեց մի շարք արժեքավոր

¹ См. Большая Советская Энциклопедия, т. 8, М., 1972, с. 193, Анд рей Белый, Армения, Е., 1985, с. 176.

աշխատություններ : Գիտնականի աշխատություններն այնքան կարևոր էին ու արդիական, որ վերահրատարակվում էին մի քանի անգամ (օրինակ, «Մեծ բարեփոխումների դարաշրջանից» գիրքը վերահրատարակվեց 9 անգամ):

Գր.Ջանշյանը հիմնավոր զբաղվել է նաև Հայ ժողովրդի, Հատկապես արևմտահայության պատմությամբ: Ջերմորեն սիրելով իր ժողովրդին և խորապես ապրելով նրա վիշտը, գիտնականը 1880 – 1890-ական թթ. նրա կացության մասին ուսմանն ուղևորվելով լույս ընծայեց մի շարք աշխատություններ, որոնցից պիտի հիշատակել «Հայկական Հարցը Թուրքիայում (Ստամբուլյան Հրապարակախոսի Հետ Նամակագրությունից, Մոսկվա, 1893)» գիրքը, որը հրատարակվել է Գր.Ա.Դիև Հեղինակային կեղծանունով: Այն Հոյակապ Հրապարակախոսական-գիտական ուսումնասիրություն է, որը պահանջում է լուծել Հայկական Հարցը ըստ արդարության ու մարդասիրության:

Սակայն, Գր.Ջանշյանի անհամեմատ ավելի մեծ գործը «Եղբայրական օգնություն Թուրքիայում տուժած Հայերին» արժեքավոր ժողովածուի ստեղծումն էր, որը հրատարակվեց Մոսկվայում 1897 և 1898թթ. (կրկնակի հրատարակությամբ): Այդ ժողովածուում նա զետեղել է տարբեր Հեղինակների աշխատությունները, որոնք վերաբերում են Հայ ժողովրդին, Հատկապես նրա արևմտյան Հատվածին: Գր.Ջանշյանը ժողովածուում բերել է նաև Հայկական կյանքից պատկերներ, որոնք արտացոլում են Հայերի խաղաղ, ստեղծագործական աշխատանքը, նրանց տանջանքն ու տառապանքը Թուրքիայում, նրանց կոտորածներն ու ջարդերն իրենց Համար դժոխք դարձած այդ երկրում: Նկարների մի մասը պատկանում է Հ.Ալվազովսկու և Վ.Սուրբենյանցի վրձինն, իսկ մյուսները ձեռք են բերվել զանազան Հրատարակություններից: Ժողովածուում նաև ժողովրդականացնում է Հայ ժողովրդի արժեքները, ստեղծած գանձերը, նրա որդիների փառապանծ գործերը և Հակահարված է տալիս այն զրպարտիչներին, որոնք ղեկավարվելով ցարական մեծապետական քաղաքականությամբ, աշխատում էին Ռուսաստանում, նույնիսկ արտասահմանյան այլ երկրներում վարկաբեկել Հայերին՝ նրանց վերագրելով զանազան բացասական Հատկություններ ու գործեր:

Գր.Ջանշյանի կազմած ժողովածուն բարձր է գնահատվել ժամանակի ռուս առաջադեմ դեմոկրատական մտավորականության կողմից: Վ.Մ.Գոլմստերմը դրում էր, որ այն «մեր ժամանակի լուսավոր երևույթներից մեկն է, յուրատեսակ Հանրագիտարան է, բարության քրեստոմատիա: Այդպիսի գիրքը դաստիարակում է» (էջ В): «Новое время» թերթը Հաղորդում էր, որ ժողովածուն գերազանց է հրատարակված ամեն տեսակետից, և որ ռուս Հասարակությունն անտարբեր չի մնա Հայոց տառապանքների Հանդեպ (էջ С): «Вестник Европы» ամսագիրը նշում էր, որ ժողովածուն իր Հարուստ և բազմազան բովանդակությամբ գրավում է ընթերցող Հասարակայնության ուշադրությունը, և որ թուրք դահիճների կողմից սպանված ու թալանված բազմաթիվ Հայերը անտարբեր չեն կարող թողնել ընթերցողին: Ռուս Հասարակայնությունը Հայերին պետք է ցուցաբերի նյութական օժանդակություն (էջ С):

² Роль Д.Н.Замятина в сѣбной реформе, М., 1882; С.И.Зарудный и сѣбная реформа, М., 1889; Из эпохи великих реформ (освобождение крестьян, отмена телесных наказаний, университетская автономия, земство и др.), М., 1894 և այլն:

Ժողովածուի հրատարակմամբ Գր.Զանյանի գլխավոր նպատակն էր միջոցներ հավաքել և ուղարկել Թուրքիա՝ կոտորածների հետևանքով որբ մնացած հայ երեխաներին օգնելու համար, որոնց թիվը քիչ չէր: Կ.Պոլսի հայոց պատրիարք Մ.Օրմանյանն այդ օրերին գրում էր, որ դժվար է նկարագրել արևմտահայերի վիճակը: Կան տեղեր, ուր նրանք շաբաթներով հացի երես չեն տեսնում, սնվում են բույսերով: Սովահարների զանգվածներն իրենց օրերն անց են կացնում փողոցներում կամ եկեղեցիներում: Եղել են սովից մահացողներ: Տառապում են հատկապես որբերը:

Գր. Զանյանը օգնության ձեռք մեկնեց որբերին: Նա ժողովածուի առաջին հրատարակությունից հավաքեց 30.000, իսկ երկրորդից՝ 60.000 ռուբլի: Այդ գումարները նա Կ.Պոլսի ռուսական դեսպանի միջոցով ուղարկեց Մ.Օրմանյանին, որը դրանցով բացեց 12 որբանոց (Դիարբեքիրում, Ախթարում, Բալուում, Աղբակի Ս.Բարդուղիմեոս վանքում, Ֆոնուզի Ս.Աստվածածին վանքում, Ալաշկերտում, Վանի Սալնապատի Ս.Գրիգոր մենաստանում, Ախուս, Կյուրինում, Ջարսանջակում, Հասան-Բեյում և Մուշում)³: Մեկն էլ բացվելու էր ինքանում: Բայց, ցավոք, չբացվեց՝ Գր.Զանյանի մահվան պատճառով: Հասարակությունը Գր.Զանյանին կոչում էր «Որբերի բարեկամ», «Որբերի հայր», «Որբերի փրկիչ», նվիրական անուններով և դրվատում նրա հիանալի գործը:

Հումանիտ գործիչը չսահմանափակվեց միայն հայկական շրջաններով: Տեսնելով, որ կարիքի ու թշվառության մեջ տառապում են շատ ռուսներ, իր հիմնավոր աշխատություններից մեկի («Մեծ բարեփոխումների դարաշրջանից») հոնորարը նվիրեց ռուս աղքատ գյուղացիներին և ուսանողներին: Գր.Զանյանի համար հեշտ չէր տրամադրել այդ գումարները: Դրանք, ինչպես ինքն էր ասում, հավաքել էր «թուր ու մուրով»: Տարբեր առիթներով նա ասում էր, որ եթե «Русские бедомосту»-ի վճարած հոնորարը չլիներ, «մեկն էլ պետք էր իր օգտին հանգանակություն կազմակերպեր»:

Գր.Զանյանը մահացավ 1900թ. հուլիսի 17-ին Մոսկվայում՝ սրտի հիվանդությունից, ուժերի ծաղկման ու ծավալման շրջանում: Նա վախճանվեց անժառանգ: Զգալով վերահաս մահը, թողեց կտակ, որով իր ունեցվածքը կտակում էր եղբորը, «Русские бедомосту» լրագրի գրասենյակի ու տպարանի ծառայողներին, Արևմտյան Հայաստանի որբանոցներին, Ամենայն հայոց կաթողիկոսությանը, զանազան բարեգործական հիմնարկություններին: Իսկ գրադարանը կտակել էր էջմիածնի մատենադարանին, պայմանով, որ եղբայրն իրավունք ունի ընտրել և վերցնել իր ցանկացած գրքերը:

³ Братская помощь пострадавшим в Турции армянам, М., 1898, с. LXXIII:

⁴ Արևելք, 29. VII. 1900:

Նույն տեղում:

⁵ Տե՛ս Ազատ Համբարյան, Ազատագրական շարժումները Արևմտյան Հայաստանում (1898 - 1908), Ե., 1999, էջ 89:

Բյուզանդիոն, 4. IX. 1900:

Նույն տեղում:

⁶ Մշակ, 16. VIII. 1900, Նոր Դար, 29. VIII. 1900:

Գր.Ջանչյանի մահը խորապես սգաց ոչ միայն Հայ, այլև ռուս հասարակությունը: Նրա մահվան կապակցությամբ Հայ և ռուս պարբերականներում բազմաթիվ հոդվածներ հրապարակվեցին: Այսպես, 1900թ. հուլիսի 20-ին «Մշակը» գրում էր, որ «Գր. Ջանչյանի մահը ծանր, ցավալի կորուստ է մեր ազգի համար: Նա իր կյանքը նվիրել էր անխնայ և անհամար որբուկներին: Գր.Ջանչյանը չունեի ոսկի, կամ իշխանավորի դիրք: Նա ուներ մի համեստ գրիչ, որով հալեցրեց Հայի ցուրտ սրտի ժայռը, շարժեց օտարի գուլթը և կաթ-կաթ միջոցներ հավաքելով, դռներ բաց արեց ոճրագործների զոհերի առաջ: Ձկա ուրիշ Ջանչյան: Նրա ծայրը մեղմ, բայց ազդու և եռանդոտ էր: Քանի՜ քանի՜ անգամ է այդ ծայրը բարձրացրել իբրև վրդովմունքի փոթորիկ մարդկային չարության, անսանձ ու լիրբ զրպարտությունների դեմ. քանի՜ քանի՜ անգամ նա մարդասիրության, արդարության դասեր է տվել այն օտարերկրացիներին, որոնց համար մեծ զվարճություն էր հալածել ուրիշներին, ոտի տակ տալ նրանց ամենանվիրական հասկացություններն անգամ: Այժմ այդ ծայրը գերեզմանի խորքում խեղդված պիտի մնա: Ահա ինչ կորցրինք»¹⁰:

“Русские вѣд о мосту” լրագիրը Գ.Ջանչյանի մահից փոքր-ինչ անց, գրում էր. «Այս քառասուն օրվա ընթացքում մենք ամեն կողմից անգաղաք ստանում ենք ցավակցության արտահայտություններ՝ մեր թանկագին ընկերոջ և անմոռանալի աշխատակցի մահվան առիթով: Գրեթե ամբողջ մայրաքաղաքային և գավառական մամուլը արձագանքեց Գրիգոր Ջանչյանի հիշատակին նվիրված հոդվածներով: Բազմաթիվ նամակներ և հեռագրեր, որոնց մի մասն արդեն հրատարակել ենք, պարզ ցույց են տալիս, որ Հանձին Ջանչյանի, շատերը կորցրել են ոչ միայն սիրելի գրողին, այլև իրենց սրտին մոտ մարդուն, որը մարդկանց ծառայում էր ոչ միայն անխոնջ, բարերար աշխատանքով, այլև իր ազնիվ, սիրառատ սրտով...»: Ապա թերթը բերում էր ռուս գրողներից մեկի խոսքերը, որոնք վերցված են խմբագրության ուղարկած նրա նամակից. «Ծիշտ է, որ «բախտավոր մարդու թշնամիներն են մեռնում, իսկ անբախտի՝ բարեկամները»... ինչպե՞ս վշտացրեց ինձ անմոռանալի Գրիգոր Ջանչյանի մահը: Հանձին նրա, անակնկալ իրենց բարեկամին կորցրին, և ի՞նչպիսի բարեկամի, ոչ միայն նրա թշվառ ցեղակիցները Հայերը, այլև... կրթված առաջավոր Ռուսաստանը... ի՞նչ կարելի է այս դեպքում ասել ի մխիթարություն: Ի՞նչ կարելի է ասել մանավանդ ձեզ, որ այնքան մոտիկ էիք այդ ազնիվ հոգուն, այդ մեծահոգի սրտին...»¹¹:

Հայ անվանի գիտնական Ա.Ջիվելեզովը գրում էր, որ Գր.Ջանչյանին սիրում էին բոլոր նրանք, ովքեր սիրում էին լույսի ու ազատության սկզբունքները և ընդհակառակը՝ ատում էին բոլոր նրանք, ովքեր ատում էին լույսն ու ազատությունը: Ուստիկանական մարմինների գործակալներ իրենց պետերին որքան մատնություններ էին հաղորդում Գր.Ջանչյանի մասին, որքան Հայհոյանքներ ու զրպարտություններ էր նա իր հասցեին լսում մեծապետական հրատարակությունների կողմից: Գիտնականը զանց էր առնում այդ ամենը և կատարում էր իր օգտակար գործը: Նա իսկական պատմաբան չէր, բայց իր հրապարակախոսական գրչով արեց շատ ավելին, քան կաներ հազվագյուտ պատմաբանը՝ իր գիտական հետազոտու-

¹⁰ Մշակ, 20. VII. 1900:

¹¹ Русские вѣд о мосту, 1900, № 236.

¹² Նույն տեղում:

թյուններով¹³:

Գր. Զանյանի հիշատակը հավերժացնելու համար հասարակական տարբեր կազմակերպությունների ներկայացուցիչներ հանդես եկան տարբեր առաջարկություններով: Այսպես, Մոսկվայի երգչյալ հավատարմատարները գտնում էին, որ Գր. Զանյանի անունով պետք է հիմնել ժողովրդական գրադարան¹⁴: Մի խումբ գերմանական գրողներ կարծում էին, որ պետք է հրատարակել «Եղբայրական օգնության...» նման մի ժողովածու և առաջացած գումարը հատկացնել «հայ որբանոցների օգտին»: Պետերբուրգի, Մոսկվայի և Թիֆլիսի մի խումբ դրամատիկական ցանկություն հայտնեցին կազմել մի խնամակալություն և շարունակել հանգուցյալի «որբանոցների պահպանման գործը»¹⁵: Մտադրություն կար Պետերբուրգում Կ. Եղյանի նախագահությամբ ստեղծել խնամակալություն և «Եղբայրական օգնության...» եկամուտներից ու այլ միջոցներից առաջացած գումարներով շարունակել որբերի օգնության գործը¹⁶: Ցանկություն կար Մոսկվայում կազմակերպել հանգանականություն և Գր. Զանյանի գերեզմանին կանգնեցնել հուշարձան¹⁷: «Մշակը» հաղորդում էր, որ Մոսկվայի զեմստվային նախագահական վարչության ծառայողները «Русские вѣдомости»-ի խմբագրությանն ուղարկել են 50 ռուբլի, որ ներդնեն Գր. Զանյանի անվան ժողովրդական գրադարանի ստեղծման գործում¹⁸: Ապա շարունակում էր, որ նույն նպատակով մի այլ պարբերական իրենց խմբագրությանն ուղարկել է 100 ռուբլի¹⁹: Այնուհետև նույն թերթը գրում էր, որ մինչև հիմա խուք է եղել Գր. Զանյանի գերեզմանի վրա մահարձան կանգնեցնելու մասին: Այժմ պետք է խուքից անցնել գործի. «Տվեք ձեր նվերները Զանյանի մահարձանի համար»²⁰:

ГРИГОР АВЕТОВИЧ ДЖАНШЯН (ДЖАНШИЕВ)

А. А. АМБАРИАН

Резюме

В 1870 – 80-х гг. Г. А. Джаншиев опубликовал ряд ценных статей, в которых с позиций либерализма подверг серьезной критике общественно-экономический строй России XIX в.

Г. А. Джаншиев был большим патриотом. Свой гонорар за книгу «Братская помощь пострадавшим в Турции армянам» он послал осиротевшим в Турции армянским детям, а гонорар за книгу «Из эпохи великих реформ» перечислил нуждающимся студентам и нищенствующим крестьянам России.

¹³ *Андрей Белый* նշվ. աշխ., էջ 180:

¹⁴ *Նոր Դար* 19. IX. 1900, *Բյուզանդիոն*, 29. IX. 1900:

¹⁵ *Բյուզանդիոն*, 29. IX. 1900:

¹⁶ *Նույն տեղում*, 9. VIII. 1900:

¹⁷ *Արմենիա*, 5. IX. 1900:

¹⁸ *Մշակ*, 19. VIII. 1900:

¹⁹ *Նույն տեղում*, 25. VIII. 1900:

²⁰ *Տե՛ս նույն տեղում*, 26. VII. 1900:

²¹ *Տե՛ս նույն տեղում*, 28. X. 1900: